

Arubaanse Courant

ANJA 27

Dia Sabra 29 di Juli 1967

No. 1006

TA TUMA MEDIDA AGRADABEL Y TA TUMA MEDIDA DESAGRADABEL PERO TA GOBERNA RESPONSABEL

WILLEMSTAD- E segundo reunion publico di Eilandsraad di Corsow, ayera mainta tabata caracterisá pa dos cos : e incidente qu a ser provocá pa e arrogancia di e lider di fraccion di NVP-COP-Radical, Juancho Evertsz y e brillante disertacion di señor S.G.M. Rozendal, diputado di Corsow, quende a splica na placa chikitu ta di con a tuma medidanan desagradabel y qu esaki ta exclusivamente pa garantisá un bon gobernacion y asina mehora situacion di tur habitante di Corsow.

Oposicion a corre bai

Despues qu varios di e agenda (21 punto) a ser tratá caba ayera y mientras nan tabata papiaando riba Telefoondienst, na dado momento presidente di Eilandsraad, señor W.G. de Haseth a suplica Juancho Evertsz pa atenele na e punto en discusion. Ignorando e orden di presidente di Eilandsraad, Juancho Evertsz a sigui papia tranquilamente y esaki tabata motibu pa presidente di Eilandsraad a bisele qu ora e ta papia Juancho ta serra su boca.

Riba esaki Juancho Evertsz a contesta qu ta trata aki di un asunto personal y a contesta qu presidente di Eilandsraad ta bisa "serra boca na cas", pero no cune.

A continuacion presidente di Eilandsraad a declara cu Juancho Evertsz no por a papia mas pa duracion di e reunion riba cual e fraccion di tres partido a hisa nan bela bai.

E comportacion ignorante y anti-parlamentario aki tabata por cierto un bochoro di primera orden, pero riba e punto aki nos ta recomenda nos lectornan di lesa nos editorial di awe.

Despues qu e fraccion di tres partidonan a bandona sala, a keda den e reunion e fraccion di Partido Democratico y e dos miembronan di URA, señores E.A.V. Jesurun y Pieterneila.

Medidanan desagradabel

Tratando punto 19 di e agenda qu ta un proyecto di Eilandsverordening pa regia cobramentu di opcenten riba e aanslag di Inkomstenbelasting y Winstbelasting, diputado Rozendal a tene un disertacion completo y detaya riba e asunto aki.

El a duna un relato di e situacion financiera di Corsow y ta di con gobierno insular di Corsow a tuma medidanan pa haña mas placa pa por goberna di un ma-



Asina aki e bista tabata den sala di Staten ayera mainta durante e reunion publico di Eilandsraad. E fraccion di Partido Democratico completo, cu excepcion di e miembro R. Elhage, quende ta den estranheria, miembronan di oposicion sintá nan dilanti y meimei e diputadonan qu ayera a duna e impresion di ta controla nan asuntunan debidamente y di ta completamente na altura di tur loque ta concerni nan departamentonan.

nera responsabel.

"Nos mes ta convenci qu nan ta desagradabel", asina el a declara, "pero tur hende mester paga mas belasting. Ta tur hende mester colabora pa tur por beneficia despues. Cada yiu di Corsow, tantu ricu como pover, lo beneficia despues ora cos ta bai bon", asina el a splica.

A continuacion el a muestra con e gastunan di gobierno a aumenta considerablemente durante e ultimo 6 añanan qu a pasa.

1960 - 1966

Ultimo biaha qu tabatin un aumento di belasting na Corsow tabata na año 1960 pero for di e tempu ei awor, e gastunan di gobierno a subi barbarsamente.

Den e sector social por ehempel, qu ta e servicio destiná pa yuda e homber chikitu e gastunan a bira casi dobbel. Si na año 1960 gobierno a paga Fl. 134.000 na onderstand, na año 1966 e gastu aki a aumenta te na 1,1 millon florin. Den e sector aki tabatin un crecemento enorme.

Pa cuida medico gobierno a gasta tres millon florin na año 1960. Año pasá gobierno su gastunan tabata 4,3 millon florin den e sector aki.

Pa Turismo gobierno tabata gasta 148.000 florin na año 1960. Año pasá e gastunan den e sector aki tabata 675.000

Otro sector qu a muestra un crecemento enorme di e gastunan tabata den e ramo di salarionan pa personal di gobierno, ambte-

naarnan y trahadornan. Na año 1960 gobierno a gasta 13.000.000 florin pero na año 1966 ya e suma aki a subi cu cuater millon mas y a bira 17 millon florin.

E gastunan den e sector aki no por baha pasobra si e ambte-naarnan ta traha mester pagan y un gobiernu responsabel mester mira con e ta sigui paga e gastunan aki no solamente e año aki sino den futuro tambe y pesel nos ta mira qu aunque e medidanan aki ta desagradabel, nan ta necesario pa garantisá un bon gobernacion. No ta yuda nada si tuma medidanan chikitu qu ta yuda un biaha. Mester turna medidanan qu ta sigui produci pa por sigui traha.

Nos poblacion a crece--mester bini mas school pa muchanan, mester bini mas caminda, mas school di ofishi, cuida medico ta existi mas placa y mester mantene e camindanan qu gobierno a traha den añanan anterior.

"Nos no por bisa qu nos no por goberna pasobra no tin placa", asina diputado Rozendal a continua bisando. "No por tuma medidanan agradabel so y si pidi un sacrificio", mester pidiele di henter pueblo".

Otro motibu pa cual a tuma e medidanan aki ta qu den pasado Hulanda, gobiernu Hulandes a yega di duna Corsow ayudo financiero generoso pa proyectonan di desarrollo pa traha school y caminda, pero ora traha nan mester mantene nan tambe y cuida nan.

Ora traha un school cu placa di Hulanda nan no ta duna placa

pa paga e maestronan y cumpra boekie cu banki pa e schoolnan aki.

Hulanda a duna hopi placa pa traha hotel pero nan a pone como condicion qu gobiernu di Corsow mester ta macho pa tuma medidanan pa por paga e placa qu nan a fia nos.

Mañan ora qu trabao habri y e trahador por yena su stoma, e medida aki no ta cayele pisá pasobra e tin moda di cumpli cune. Pero si no tuma medida awor aki, anto durante tur e cuater añanan venidero su stoma lo keda bashi te cu aki cuater año e no tin stoma mas.

Mester produci placa pa tur hende qu mester di trabao por haña trabao.

"Nos mester ta realistico", asina e diputado a declara. "Nos no por sinta warda riba cosnan qu ta sosode. Ayera mainta mes gobiernu a cuminsa papia cu companianan grandi pa inverti nan plac den obligacionnan di gobiernu di Corsow, pa asina nan por haña placa traha cune.

Politica di austeridad

Ai respecto diputado Rozendal declara qu nan ta convenci qu e momento qu nan a tuma e medidanan aki, nan tabata sa cat con mester usa eplacanan aki.

Como promer paso pa evita e gastamentu di placa, el a muestr riba e hecho qu gobiernu di Cor

Continuacion riba pagina 2

Try something different for a change...

Turn to Salem for a
taste that's Springtime fresh



RICH TOBACCO TASTE • MENTHOL SOFT FLAVOR

TRY Salem, AMERICA'S LARGEST-SELLING MENTHOL CIGARETTE

1967 © J. R. R. Co., Inc. Tobacco Company, Winston-Salem, N.C. U.S.A.